

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 268975 25 St
Zenica, 26.03.2026. godine

Općinski sud u Zenici, stečajna sutkinja Sanja Pavlić, u stečajnom postupku koji je pokrenut po prijedlogu predlagatelja društva Nova Željezara Zenica, d.o.o., ul. Bulevar Kralja Tvrtka I broj 17., Zenica, koga zastupa Ahmed Hamzić, generalni direktor društva, protiv protupredlagatelja društva Nova Željezara Zenica, d.o.o., ul. Bulevar Kralja Tvrtka I broj 17., Zenica, koga zastupa Ahmed Hamzić, generalni direktor društva, odlučujući o zahtjevu privremenog stečajnog upravitelja Hadžirašidović Jasmina za produženje roka za dostavljanje izvještaja privremenog stečajnog upravitelja, donosi 26.03.2026. godine:

R J E Š E N J E

Usvaja se zahtjev privremenog stečajnog upravitelja od 12.03.2026. godine, za produženje roka za dostavljanje Izvještaja u roku od 30 dana.

Privremeni stečajni upravitelj je dužan utvrditi da li postoje razlozi i uvjeti za otvaranje i vođenje stečajnog postupka, te podnijeti izvještaj sudu u roku od 30 dana.

O b r a z l o ž e n j e

Prijedlogom od 17.12.2025. godine, predlagatelja društva Nova Željezara Zenica, d.o.o., ul. Bulevar Kralja Tvrtka I broj 17., pokrenut je stečajni postupak nad društvom Nova Željezara Zenica, d.o.o., ul. Bulevar Kralja Tvrtka I broj 17.

Sud je 11.02.2026. godine donio Rješenje o pokretanju prethodnog stečajnog postupka i za privremenog stečajnog upravitelja imenovao Hadžirašidović Jasmina, te mu naložio u stavu 1 tačka 2 alineja 1 rješenja, da utvrdi da li postoje razlozi i uvjeti za otvaranje i vođenje stečajnog postupka, te da dostavi izvještaj sudu u roku od 30 dana, kako je to propisano odredbom čl. 63. stav 2 Zakona o stečaju (Sl. Novine F BiH broj: 53/2021 i 19/25).

Privremeni stečajni upravitelj je 12.03.2026. godine podnio Zahtjev za produženje roka za dostavljanje Izvještaja u roku od 30 dana, s obzirom da je podnio sudu Zahtjev za imenovanje sudskog vještaka za utvrđivanje solventnosti stečajnog dužnika, te da se rok produži do imenovanja stalnog sudskog vještaka i dostavljanja njegovog Nalaz i mišljenja, jer mu je isti potreban za sačinjavanje Izvještaja.

Sud je 19.03.2026. godine donio Rješenje i imenovao sudskog vještaka ekonomske struke sa zadatkom da utvrdi solventnost stečajnog dužnika te da Nalaz i mišljenje sačini u roku od 30 dana.

Kako je potrebno da privremeni stečajni upravitelj dostavi Izvještaj, a koji će uključivati i Nalaz i mišljenje sudskog vještaka ekonomske struke, radi cjelovitog i objektivnog sagledavanja finansijskog stanja stečajnog dužnika, a Privremeni stečajni upravitelj je 12.03.2026. godine podnio Zahtjev za produženje roka za dostavljanje Izvještaja, uvažavajući prijedlog privremenog stečajnog upravitelja za produženje roka osnovanim, odlučeno je kao u izreci rješenja.

PRAVNA POUKA
Protiv ovog rješenja nije
dozvoljena žalba

STEČAJNA SUTKINJA

Sanja Pavlić